

مکرمات و اخبار

ادبی و سیاسی رساله اسبوعیه در

۳۱ نجی سنه

۲۶ رجب ۱۳۳۰

پنجشنبه

جلد: ۱۵ - جزو: ۱۵۴

کالک ایکی مکتوبی

ایکینجی مکتوب

صرتلو افندم

۲۱ آگستوس سنه ۱۲۹۴ تاریخی جوابنامه گزی ییلم هانگی
پوسته به تودیع بیوردیگز، که بورایه استانبولدن دگل ازمیردن گلان واپور
ایله واصل اولدی. و استانبول پوسته سنی ینسه اق واپور کوتوردیگندن
جوابی چاره سز بو هفته به قالدی. ایضاحات والارینی اوقودم. بنده گزده
بر حقانیت موجود اولدیغنه اعتمادله بو ایضاحات اوزر ینسه تعدیل افکار
ایده جکمه امید بیان ایدیورسکیز. حال بو، که ایضاحات بیوردیغکیز
شیلر بنده گزجه اصلا قناعت بخش اولدی. اق جهتله تشریحات آتیه به
لزوم کوریه یورم: بر فلاکت ایچنده بولدیغیم ایچون بگا مسلط اولغی
کندیگزجه آچاقلق عد ایدرمشسکیز. حال بو، که بنده گز فلاکت دگل -
سوق قضا ایله وطنه عارض اولان مصائبک تأثیراتی اولسه - هیچ بر وقت
کورمدیکم بر راحت ایچنده ایم. ذاتاً اقبال پرست اولدیغدن بر ایش باشنده
بولغامغی نقسمجه فلاکت عد ایدنلردن دگم. ییلم ذات والالرنده رقت قلب
نه درجه لرده در، که بنده گزک مدللای کبی هوا و موقعیه عالمک الک کوزل
نقطه لرندن اولان بر یرده کچیردیکم بر عمری، فلاکت زده لک عد ایدیور -
سکیز! « تسلط بحثه کانجه » بگا هم تحقیر، هم ده افترا ایله مسلط اولدیغکیزی
زیرده بالا طراف اثبات ایده جکم. بو حرکتکیزی اعتقادکیزجه نه به حمل

ایتمک اقتضا ایدرسه آکا حمل ایلمکده، نه درلو وصف ایله تعبیر ایتمک لازم
گلیرسه اولیله تعبیر ایتمکده مختار سکنز .

حضور شاهانه به تقدیم اولمش اون سکنز قطعه عریضه می گورمش
اولدیغکنز دن بونلرک ایچینده بنی تاریخ نظر نده تبریه ایده جک بر سوز
بولمادیغندن بحث ایدیور سکنز ؛ عجبا تمتم نه ایش ، که تبریه به احتیاج
کور نسون؟ هله هر مورخ ذات والاکنز فکرده اولمق لازم گلسه بزلر ایچون
طبیعی بری الذمه کورنمکه امکان قالماز . شو قدر وار ، که اق صورته
بری الذمه کورنمکه آرزویه دکمز . معافیله امین اولکنز ، که تاریخ ، دنیانک
اک بیوک محکمه لرندن عادلدر . وقایع اطرافله آنک تدقیقنه عرض اولدینی
زمان کیم بری الذمه در ؛ کیم دگلدر پک قولای میدان چیقار .

اس انقلابده بگا دار یازدیغکنز فقره ایچون « بن نه دیشم » بیوریور -
سکنز ! ایشته سویلدیکنز شونلردر : « حتی اق زمانه قدر اوجگاه
سربستینک اک یوکسک طبقه لرنده بالا پرواز اولان و مجرد بو قدر حریت -
پرور اولمندن طولانی التفات مخصوص حضرت تاجدار ی به مظهر اولمش
بولنان کمال بکک خاک پای شاهانه به تقدیم ایلیه رک بوتاریخی قله آلمق اوزره
مطالعہ گذارم اولان آثار میانده کوردیکم عریضه لرنده دخی قانون اساسینک
حقوق جلیله* خلافتیاهی به طوقونه جق بر خیلی جهتلری اولدینی عرض
ایدلش و مکاتب مذکورہ نک بریسنده : (بوندن بشقه نظام اساسی به مجلس
وکلا ده اجرا اولنان تعدیللر دقت مخصوصه شاهانه لرینه شایسته در . چونکه
هر شیدن زیاده حقوق شاهانه لرینه طوقینور « عبارہ سی بر نمونه اولمق اوزره
بورایه قید ایدلمشدر . بو عبارہ نمونه ایسه ، قانون اساسی به دار عرض
ابتدیکم سار سوزلر نه درلو شیلر ایدی ، آنلری نیچون بیان بیورمدیکنز ؟
مدعا کنرک بتون بتون خلافی اثبات ایده جکنه سزده قانع اولدیغکنز ایچون
دگلی ؟ بن حضور شهر یاری به یالکنز قانون اساسی به مجلس وکلاده اجرا

اولنان تعديلاتك مضرات متنوعه سندن بشقه حقوق پادشاهي به طوقونه جغني عرض ايتميشيدم . سزك يازديغكز كجي على الاطلاق قانون اساسي حقوق سنية پادشاهي به طوقونور ديدم . محافظه ناموسه غزنه كزده اعلان ايتديككز درجه لده اعتنا كز وارسه بنم ادعا ايتديككز يولده بر قول و يا اشعارم اولديغني اثبات ايديكز و آلا وقوع بولان اسناد كز دن طولاني يالانجي ، مفتري اولديغكزي كنديكز ميدانه قويغش اولور سكز . جوابنامه كزده بو خصوصه دار اولان سوزلر ايسه اس انقلابك افاده سنه تاممي تمامنه مغاير دوشيور . ايشته افاده كز شودر :

« حقوق پادشاهي به دار اولان فقره لري طي ايتك ايستيانلر قانون اساسي طرفداري ايديلر ؛ يوقسه قانون اساسينك خلافيكيرلري ايديلر ، اكر قانون اساسينك طرفكيرلري ايديلر درسه كز بن ديرم و اثبات ايدرم ، كه قانون اساسينك طرفدارلري حقوق پادشاهي به دار اولان بندلري بالمحافظه حقوق سلطنتي تحكيم ايتك ايستيورلردى . خلافيكيرلر ايسه - ايشته بو بندلر حقوق سلطنتي محو ايدم جكلر و بونلر محضا حقوق شاهانه يي تقصير ايدم ايدم محو ايچون درج اولنيور - ديه ذات شاهانه يي قانون اساسين جايدير مغه چاليشيورلردى . بو حالده سزك يازديغكز عريضه لر خلافيكيرلر ك منفعتنه خدمت ايدم جك شيلر ايدى . آنلر دخي ذات شاهانه يي بومثللو سوز سويلك ايستيرلردى . اكر سز يازديغكز شيلر ك تاثير اتندن خبردار دكل ايسه كز آكا ديه جكم يوقدر . »

مكتوبكز ده تايمين ايتديككزه گوره عشرت ايتيور مشسكز ، كه سرخوشلغكزه حكم ايدم . يازديغكز صاحبلر بتون بتون ربطدن وارسته دكل ، كه چيلديريغكزه ذاهب اولهيم . عقلكز باشكزده ايكن شو بوقاريدم كي عبارتي فصل يازم بيلديككزه بر درلو عقل ايردبرمدم ! يك كوزل افندم مادام ، كه حقوق شاهانه يي متعلق اولان بندلري طي ايتديرمك

ایستیانلر قانون اساسینک خلافکیرلری ایش و مادام ، که قانون اساسی بی
الزام ایدنلر اویسندلرک بقاسنی ترویج ایدنلر ایش . بنده صریضه مده مجلس-
وکلانک اویسندلری طی ایتمسندن طولای حقوق پادشاهی به طوقونلیدیندن
بمثله ابقالریخی الزام ایدنلر دن بری ایدم . او حالده قانون اساسینک
طرفدارلرندن اولدیغ کندی اعترافکنزله ده ثابت اولیور . یا بو حقیقت
میدانده ایکن بی تألیفکنزده علی الاطلاق قانون اساسی علینده گوسترمکه
قیام ایتمک ، آدمه بر اقترای کاذبانه ایله مسلط اولمق دگلدرده نه در ؟ صریضه لم
قانون اساسی خلافکیرلرینک منفعت خدمت ایستدیکنه و آنلرک ذات ملوکانه به
اق یوله لقردی سویلتمک ایستدکلرینه حکم ایتمک سزک قدر کچ بین اولمغه
توقف ایدر . بسندلرک طی بی طرفنده بولنان خلافکیرلر « بونلر محضاً
حقوق شاهانه بی تقصیر ایدم ایدم محو ایدم جکلردر . » دیوب طوریرکن برده
حضور عالی* جناب شهریار ایدم اویسندلرک طی بی حقوق سنیه پادشاهینک
اخلاقی موجب اوله جغفی می سویلتمک ایستلردی . ظنکنزجه خلافکیرلرک
بویله بر آرزوده بولنمقندن مقصدلری نه اوله جق ! - وقیله کیفسز بر ذات
طالقاق ، افندم سرکلی بر پاچه بیگنر اق ساعت صاوشور ، دیدیکنی متعاقب
خسته نك یانسه حکیم گلوبده پرهیز توصیه ایدرکن (هله صاقین آغزکنزه
سرکه قویمکنز !) یولو اخطار ایدنجه طالقاقو غک بالمسارعه ، - افندمز گور -
دیگزمی ؟ سرکه بر مصیبت شیدر ، که بیرسه گنر کیفسزک صاوشماز ؛ یسه گنر
خسته اولورسکنز . - دیدیکی گبی آنلرده بندلر موضوع بحث اولدینی زمان
- بو بندلر طی اولنمازسه حقوق شاهانه به طوقونور . باقکنز کمال بک بیله
نه دیش بسندلرک طی اولنمی حقوق ملوکانه بی اخلاص ایدم جکندن بحث
ایش . بر مضر شیلر ، که طورمی اخلاص حقوق ایدیور . طی بی
اخلاص حقوق ایدیور - می ؛ دیه جکلر ایدی . خلافکیرلر دیدیکنر طاقی
نصاب ادرا کدن بتون بتون بری ظن ایتمکنز ؛ امین اولکنز ، که بر قضیه نك

هم عیننی، هم عکسینی بر نتیجه به ایصال ایتمک ایستیه جک دنیاده سزدن بشقه
کیسه یوقدر .

یازدیغم شیلرک تأثیر اتندن بلکه خبرم اولدیغنه دأر میدان قویدیغکیز
فرضی بی نه دن تصور ایستیگیز . بنده گزک معروضاتم ذات شوکتسمات
جناب ملوکانهیه تقدیم اولغشیدی . دیمک، که سؤ تأمیری اولسه نزد سامی
شهر یاریده اوله جق . اوصاف هایون تاجداریلری دنیا نك معلومی اولان
شهنشاه ذیشان افندمره نفی و اثبات حمل ایدرک بنده گزک ذکر اولدن
بندلری ابقایه دأر اولان عرضمی احما معناسنه آکلامق و یاخود طرف -
ملوکانه دن هیچ باب عالینک دخلی اولقسزین صورت مخصوصه ده بالانتخاب
قانون اساسی بی تنظیمه مأمور اولان مجلسک اعضالغنه تعیین بیورلمش و بر
ایکی دفعه حضور معالینشور جناب شهر یاریده دخی قوانین اساسیه مباحثاتنده
بولنلق شرفه نائل اولمش اولدیغم و ملکمزده بر قانون اساسی استحصال ایتمک
ایچون قاچ درلو فداکارلق ظهور ایستیسه جمله سنک ایچنده بولندیغم حالده
مجلس وکلانک حقوق شکتانه اجرا ایستیکی تعدیلاته دأر اولان ملاحظاتی،
ایچنده بولندیغم بر انجمنده یازلمش و ینسه ایچنده بولندیغم بر مجلسک قبول
و تصدیقیله چیقمش اولان قانون اساسینک علی الاطلاق اصلنه مخالفت معناسنه
آلمق گبی غریبه لر می اسناد اییدیورسکیز ؟ اق فکرده ایسه گز جرأتکیز
نه بیوک حق ناشناسلق ، نه بیوک بی ادبکدر .

[مابعدی کله جک نسخه ده]

